

Euskal AEko enpresek merkataritza elektroniko bidez egindako salmentak %16,5 gehitu ziren 2004an

Erosketak, bestalde, %12,1 gehitu ziren aldi berean

Eustatek emandako datuen arabera, 2004an sarearen edo bestelako sistema elektronikoen (EDI, datu-truke elektronikoa, etab.) bidez sortutako negozio-bolumena salmentetan 4.311,8 milioi eurora iritsi zen eta erosketetan 2.012,5 milioi eurora.

Zifra horien arabera, aurreko urtearen aldean %16,5 gehitu ziren merkataritza elektroniko bidez egindako salmentak, aurreko urtean 3.702,5 milioira iritsi baitziren. Erosketak, berriz, %12,1 gehitu ziren, 2003an lortutako 1.794,7 milioietatik.

1. taula: Merkataritza elektroniko bidez egindako erosketak eta salmentak, lurraldearen, jarduera-adarraren eta enplegu-geruzaren arabera.

	Erosketak (*)			Salmentak (*)		
	2003	2004	%	2003	2004	%
C.A. de Euskadi	1.794,7	2.012,5	12,1	3.702,5	4.311,8	16,5
Lurralde historikoka						
Araba	373,8	417,4	11,7	1.722,0	2.142,5	24,4
Bizkaia	1.073,0	1.137,9	6,0	1.135,3	1.241,6	9,4
Gipuzkoa	347,8	457,1	31,4	845,2	927,7	9,8
Sektoreka						
Industria	840,7	1.003,3	19,3	2.379,4	2.780,2	16,8
Eraikuntza	7,6	4,9	-35,0	0,0	0,6	-
Zerbitzuak	946,3	1.004,3	6,1	1.323,1	1.531,0	15,7
Enpregu-geruzaka						
Orik 9rakoak	469,1	511,4	9,0	370,0	507,2	37,1
10 eta gehiagokoak	1.325,6	1.501,1	13,2	3.332,5	3.804,6	14,2

(*) Euroak, milioikotan

Iturria: Eustat

Aurreko urtean bezala, balio absolutuetan Araba nabarmendu zen salmentetan eta Bizkaia erosketetan. Jarduera-adarraren arabera, salmentetan industria nabarmendu zen gainerako sektoreen aldean; erosketetan, industria eta zerbitzuak sektoreek antzerako zifrak lortu zituzten eta eraikuntzak ez zuen garrantzi handirik izan. Establezimenduen tamainari erreparatuta, 10 enplegatu edo gehiagokoek lortu zituzten emaitza nagusiak merkataritza elektronikoaren erabileran.


Merkataritza elektronikoa egiten duten Euskal AEko enpresak azken urtean ia %50 gehitu arren, oraindik %7,6 besterik ez dira

Merkataritza elektronikoa egiten duten establezimendu-kopuruari erreparatuta, 2003ko %5,1eko portzentajea 2004an %7,6ra igo zen. Gehikuntza hori batez ere bide elektronikoetatik erosten duten enpresak gehitzeak eragin zuen, jada %6,8 baitira; neurri txikiagoan, salmentak bide beretik egiten dituztenen gehitzeak, azken horiek %1,7 baitira.

Egindako kalkuluaren arabera, 13.000 dira Euskal AEn merkataritza elektronikoa egiten duten establezimenduak. Establezimendu horiek bide horretatik egiten dituzten erosketak guztizko erosketen %15,0 hartzen dute eta salmentek, guztizko salmenten %22,0.

Tamaina kontuan hartuta, 10 enplegatu eta gehiagoko enpresen %13,4k merkataritza elektronikoa egin zuten, %10,9k erosketak elektronikoak eta %4,1ek salmenta elektronikoak.


1. grafikoa: 2004ko salmenten helburua, bezero-motaren arabera (%)



Iturria: Eustat

2004an merkataritza elektroniko bidez egindako salmenten bezero-motari dagokionez, salmenta guztien %86,9 beste enpresa batzuetara saldu zen (B2B deritzon merkataritza), %12,5 kontsumitzaile partikularrei saldu zitzaien (B2C) eta gainerako %0,6k bestelako helburuak izan zituen, esaterako, administrazio publikoak (B2G).


2. grafikoa: 2004ko salmenta elektronikoak, erabilitako bitartekoaren arabera (%)



Iturria: Eustat

Salmenta elektronik horiek egiteko erabili den bitartekoari dagokionez, erdiak baino gehiago, %57,8 EDI eta beste sare batzuen bidez egin dira, %27,5 bakoitzaren web orritik, eta gainerako %14,7 posta elektroniko (e-mail) bidez.

3. grafikoa: 2004ko erosketa eta salmenta elektronikoa, helburu edo jatorri geografikoaren arabera (%)



Iturria: Eustat

Bezeroen kokapenari erreparatuta, honela banatu ziren sarearen bidez egindako salmentak: fakturatutakoaren %45,2 Europar Batasunera joan zen, %31,6 Estatuko gainerako autonomia-erkidegoetara, %21,1 Euskal AE barneko merkatuan gelditu zen, eta gainerako %2,1 munduko gainerako lekuetara joan zen.

Erosketen atalean, enpresek adierazi zuten jatorri nagusia Estatuak izan zela, han egin baitziren erosketa elektronikoen %47,0. Ondoren, %27,1 erkidegoan bertan erosi zen, %19,5 Europar Batasunean eta %6,4 munduko beste toki batzuetan.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxa: +34-945 01 75 01 E-maila: eustat@eustat.es

Harremanetarako pertsona: Jose Miguel Escalada

Tel.: 31-945 01 75 07. Faxa: +34-945 01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp